



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Collegiis Canonicoꝝ Per Germaniam, Belgivm,
Galliam, Hispaniam, Italiam, Aliasqve Orbis Christiani
Prouincias, Liber Singvlaris**

Le Mire, Aubert

Coloniae Agrippinae, 1615

Capvt VIII. S. Mariae Collegivm Cameracense Metropolitanum in Belgio.

urn:nbn:de:hbz:466:1-11227

S. MARIAE COLLEGIVM CAMERACENSE Metropolitanum in Belgio.

CAmeracum vulgò *Cambrai*, veteribus Samarobrina, vt quidam volunt, vrbs antiqua, ad Scaldim Fluum sita, tria habet Canonorum collegia, nimirum *S. Mariae Metropolitanum*, itemque *S. Gangerici*, & *S. Crucis* collegia. Metropolitanum collegium, proculdubio, initia debet sua, primis illius loci Episcopis, quos inter recensentur *Diogenes*, & *S. Vedastus*, Clodouei primi Regis Galliae Christiani catechista.

S. GANGERICI COLLEGIVM CAMERACENSE.

SGangericus ortus est parentibus ingenuis & Catholicis in Euosio Galliarum castro. Vbi dū primis litteris imbuebatur, tirocinij sui tempus in emeritam ætatem transfuisse videbatur. Quare S. Magnericus Episcopus Treuironum, præclarę indolis puerum totondit, & totum Psalterium ediscere fecit, & postea ad Leuiticum sublimauit ministerium. Cumque obuium haberet paganum hominem leprosum, ad Baptismi gratiam eum perduxit, & Vndis salutaribus ab vtraque lepra animæ & cutis emundauit. Increfcente autē beati viri fama, mortuo Vedulpho Camera

meracensi Episcopo, clerus & populus pari voluntate, leuitam Gangericum postularunt. Ordinatus igitur Episcopus, per annos plus minus triginta nouem, prædicatione pluebat, miraculis coruscabat, bonis operibus perpetuò intendebat. Complures quoque noxios de manibus iudicum diuinitus liberabat per preces. Quibus peractis, plenus dierum in pace sanctæ Ecclesiæ quieuit, anno 594. tertio Idus Aug. Quo die natalis eius ab Vsuardo & alijs notatur, & historia à Surio ponitur. Sepultus est apud Cameracum in Basilica, quæ ab ipso in montis vertice ad honorem S. Medardi erat exstructa; vbi postea Carolus V. Imp. exstruxit castrum siue citadellam, vt loquuntur. Vnde Canonici S. Gangerici cùm cogerentur templum suum deserere, receperunt se in Parochialem Ecclesiam S. Vedasti; vbi in magnifico choro, quem exstruxerant, corpus S. Gangerici reposuerunt. Atque ita Ecclesia S. Vedasti dicitur nunc Ecclesia S. Gangerici. Est præterea vetustissimum templum in Palatina vrbe Bruxella ad eius honorem consecratum. Ceterum Euosium Galliarum castrum, nunc Iuodium dicitur, Lutzenburgensis ducatus opidum: in quo est etiam Collegium Canoniorum. Sic ferè Molanus in Natalibus SS. Belgij.

S. CRVCIS COLLEGIVM
Cameracense.

Ioannes Episcopus Cameracensis, ex Cantore aulæ regiæ, Theodorico Episcopo defuncto in sede Cameracensi successit anno 866. & licet natalem non habeat, Sanctus tamen dicitur. Nam ad sepulchrum frigoretici & dinerfis ægritudinibus occupati sospitatem eius meritis sunt consecuti. Sepultus est Cemeraci ad Sanctam Crucem, ibidemque à Gerardo XIII. suo successore condigno honore est eleuatus. Scripsit porro Hincmarus Archiepiscopus Remorum ad hunc virum Sanctum plures litteras.

Huius porro collegij S. Crucis auctor seu fundator fuit *Elbaudus* cognomento *Rubeus*, vir nobilis ac potens; quem falsò Archidiaconum vocat Christianus Massæus. li. 13. Chronicorum. Constat enim vxorem habuisse, vtpote cuius hodieque in precibus suis memores sunt eius loci Canonici. Idem Elbaudus exædificauit Parochialem S. Vedasti Ecclesiam, quam nunc collegiū Canoniorum S. Gangerici incolit. Obijt autem Elbaudus anno 1071. conditus in Odeio Aedis S. Crucis à se exstructæ.

CAPVT